



Examens d'admissiun al progimnasi

Las dumondas e respostas las pli frequentas per entrar da la scola primara en il gimnasi

Ils examens d'admissiun sa basan a l'Ordinaziun davart la procedura d'admissiun a las scolas medias (BR 425.060) dals 2 da settember 2008.

-
- | | |
|--|---|
| 1. Tge èsi da resguardar? | <ul style="list-style-type: none">> Tut las scolaras ed ils scolars (era da lingua materna rumantsch e talian) vegnan examinads en ils roms emprima lingua e matematica.> Per la decisiun d'examen vegn ina segunda lingua chantunala resguardada. La nota dal rom d'examen per las linguas chantunalas sa resulta da la media betg arrundada da la nota d'examen en la l'emprima lingua e da la prestaziun da l'emprim semester da l'onn da scola current, per regla da la 6avla classa primara, per la segunda lingua chantunala.> L'examen è reussi sche la media da l'examen cuntanscha la nota 4.5 e las notas dals roms d'examen na svieschan betg dapli che 0.75 puncts da notas da la nota quatter engiu.> Suentar avair passà l'examen d'admissiun pon ins entrar - cun resalva d'esser promovì a la fin da l'emprim onn al gimnasi - en l'emprima classa dal progimnasi. |
| 2. Co vegn la media da l'examen calculada? | <ul style="list-style-type: none">> La media da l'examen sa resulta da la media betg arrundada da la nota dal rom d'examen per las linguas chantunalas (examen a scrit per l'emprima lingua e nota d'attestat da semester en la segunda lingua chantunala), da la nota dal rom d'examen matematica e da la nota d'admissiun, premess ch'il candidat haja il dretg a quella. |
| 3. Tgi ha il dretg d'ina nota d'admissiun e tge quinta quella? | <ul style="list-style-type: none">> Ina nota d'admissiun survegnan mo candidatas e candidats ch'entran directamain suenter la 6. classa primara (senza in onn intermediar u in onn da scolaziun supplementar) en la scola media.> La nota d'admissiun quinta sco nota da rom d'examen supplementara. |
-

4. Co vegn la nota d'admissiun calculada?	<ul style="list-style-type: none"> > La nota d'admissiun a la 1. classa gimnasiala vegn calculada a maun da l'emprim attestat da semester da la 6. classas sco media arrundada sin ina mesa nota da las notas dals roms matematica, emprima lingua e segunda lingua sco er dals secturs "uman ed ambient" cun ils roms geografia, istorgia, instrucziun da la natira e dals "roms artistics" cun dissegнар e furmar, chant e musica, educaziun sportiva. Las medias da las notas dals secturs "uman ed ambient" sco er dals "roms artistics" vegnan duvradas per la calculaziun sco medias da las notas betg arrundadas.
5. Tge roms vegnan examinads a l'examen d'admissiun?	<ul style="list-style-type: none"> > Roms d'examen per emprima lingua tudestg: Deutsch e Mathematik / matematica > Roms d'examen per emprima lingua rumantsch: Rumantsch e matematica/Mathematik > Roms d'examen per emprima lingua talian: Italiano e matematica/Mathematik
6. Con ditg cuzzan ils examens?	<ul style="list-style-type: none"> > L'examen en l'emprima lingua cuzza 90 minutas. > L'examen en il rom matematica da divida en duas parts: <ul style="list-style-type: none"> 1. part: matematica a scrit: 60 minutas 2. part: matematica fixand: 30 minutas
7. Tge munta matematica fixand?	<ul style="list-style-type: none"> > Quints a chau fixand munta ch'ils uffants jan ils pensums avant els e pon recepir els visualmain. Notar resultats intermediars u quintar a scrit è scumandà.
8. Tgi decida davart la tschernada da l'emprima lingua?	<ul style="list-style-type: none"> > Cun l'annunzia per l'examen decleran las candidatas ed ils candidats ensemen cun lur educaturas ed educaturs l'emprima lingua, q.v.d. quella lingua chantunala en la quala ellas, els vegnan examinads e survegnan las dumondas da l'examen era en il rom matematica (decleraziun persunala).
9. Tge signifitga l'admissiun al gimnasi cun resalva da la promoziun?	<ul style="list-style-type: none"> > Sch'ins n'è betg promovì l'emprim onn dal progimnasi, n'èsi betg pussaivel da repeter quel. En tal cas cuntinueschan las scolaras ed ils scolars lur scolaziun al stgalim superiur. > Sch'ins mida dal progimnasi en consequenza d'ina nunpromoziun ha per regla per consequenza ina admissiun provisoria en la segunda classa dal stgalim superiur. A la fin da l'emprim semester succeda la decisiun definitiva schebain il scolar/la scolar po restar en la 2. classa secundara u sch'el sch'ella sto midar en il segund semester da l'emprima classa secundara. Ina midada en l'emprima classa secundara po succeder en consentiment vicendaivel tranter las personas d'instrucziun ed ils responsabels d'educaziun gia el decurs da l'emprim semester. > Scolaras e scolars che n'èn betg promovids a la fin da l'emprima classa dal gimnasi e che han en dapli che trais dals roms linguas chantunalas, matematica, englais e instrucziun da la natira ina nota insufficienta vegnan assegnads a l'emprima classa da la scola secundara.
10. Nua poss jau m'infurmar davart las pretensiuns per ils examens?	<p>Sin la pagina d'internet www.mittelschulen.gr.ch chatt'ins las suandantas infurmaziuns:</p> <ul style="list-style-type: none"> > Exempels d'examens dals davos 4 onns > Disposiziuns davart las enconuschientschas preliminaras

11. Tge sto jau resguardar tar l'annunzia a l'examen?	<ul style="list-style-type: none"> > L'annunzia succeda via internet sin www.zap.gr.ch. > Tar l'annunzia a l'examen èsi da pajar ina taxa d'examen da CHF 100.- > Ils suandants documents ston en mintga cas vegnir inoltrads al secretariat d'examen (adressa vesair sura): <ul style="list-style-type: none"> > copia da l'attestat da l'emprim semester da l'onn current > copia da la carta d'identitad u dal pass > copia da la quittance > Las indicaziuns pli exactas pertutgant la procedura d'annunzia electronica èn disponiblas sin la pagina d'internet www.mittelschulen.gr.ch.
12. Fin cura poss jau m'annunziar?	<ul style="list-style-type: none"> > Il termin d'annunzia per ils examens d'admissiun a l'emprima classa dal gimnasi è publictà sin www.mittelschulen.gr.ch. > Il termin d'annunzia è in termin da scadenza. En cas d'ina annunzia retardada è la participaziun als examens d'admissiun esclusa.
13. Tge capita sche jau na pos betg vegnir als examens per motivs nunprevis?	<ul style="list-style-type: none"> > Tgi che na po betg sa participar als examens per motivs da sanadad nunprevis u en consequenza d'in accident sto communitgar quai il pli spert pussaivel tant a la direcziun dal lieu d'examen sco era al secretariat d'examen, il pli tard dentant avant l'entschatta da l'examen agiuntond in attest dal medi. > La gruppa directiva examens d'admissiun a las scolas medias grischunas decida davart ina admissiun eventuala als examens supplementars.
14. Pos jau far ils examens supplementars sche jau hai manchentà il termin d'annunzia?	<ul style="list-style-type: none"> > Na. Access als examens supplementars ha mo tgi ch'è s'annunzià entaifer il termin per ils examens d'admissiun, n'ha dentant per motivs cumprovabels (attest dal medi) betg pudì sa participar als examens.